



Broj: 11-19-11-2-1731/26
Datum: 03.06.2026. godine

Na osnovu člana 43. Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH (Službeni glasnik BiH broj: 39/14 ,59/22 i 50/24), i prijedloga Komisije za provođenje otvorenih postupaka nabavke za 2026. godinu, direktor Federalne uprave policije, d o n o s i:

ODLUKU

o izboru najpovoljnijeg ponuđača u postupku Javne nabavke Usluga kolektivnog osiguranja

1. Prihvata se prijedlog Komisije za provođenje otvorenih postupaka nabavki u postupku Javne nabavke Usluga kolektivnog osiguranja, te se Ugovor dodjeljuje ponuđaču ASA Central osiguranje" d.d. Sarajevo prema ponudi broj: broj: 022755/26 od 08.05.2026. godine sa ukupnom cijenom od 115.452,48 KM bez PDV-a.
2. Po okončanju roka za žalbu Ugovorni organ će pozvati izabranog ponuđača radi zaključenja Ugovora.
3. Ova Odluka objavit će se na web stranici Federalne uprave policije www.fup.gov.ba u skladu sa članom 70. stav (6) Zakona o javnim nabavkama ("Službeni glasnik BiH", broj: 39/14 i 59/22).
4. Obavezuje se ponuđač iz tačke 1. ove Odluke da u roku od pet (5) dana od prijema ove Odluke dostavi dokumenta navedena u Tenderskoj dokumentaciji broj: 11-19-11-2-1731/26 iz aprila 2026. godine.
5. Za izvršenje Odluke zadužuje se Sektor za finansije i javne nabavke.

OBRAZLOŽENJE

Federalna uprava policije je provela otvoreni postupak Javne nabavke Usluga kolektivnog osiguranja, po Obavještenju o javnoj nabavci broj: 1412-1-2-79-3-112/26 od 23.04.2026.godine, objavljeno u "Službenom glasniku BiH" broj: 33/26 od 08.05.2026.godine.

Procijenjena vrijednost Javne nabavke Usluga kolektivnog osiguranja, iznosi 116.813,76 KM bez PDV-a.

Dana 14.05.2026. godine, Komisija za provođenje otvorenih postupaka nabavki za 2026. godinu izvršila je radnju Otvaranje ponuda za Javnu nabavku Usluga kolektivnog osiguranja, o čemu je sačinjen Zapisnik sa otvaranja ponuda u koji su uneseni svi elementi predviđeni članom 63. stav 4. i 5., ZJN.

U postupku pregleda i ocjene ponuda za Javnu nabavku Usluga kolektivnog osiguranja, Komisija je utvrdila da su za navedenu nabavku do određenog krajnjeg roka za dostavljanje ponuda pristigle tri (3) ponude i to: Ponuda ponuđača Sarajevo osiguranje d.d. Sarajevo broj: 01-2711/26 od 07.05.2026. godine sa ponuđenom ukupnom cijenom od 116.250,24 KM, Ponuda ponuđača ASA Central osiguranje d.d. Sarajevo broj: 022755/26 od 08.05.2026. godine, sa ponuđenom ukupnom cijenom od 115.452,48 KM i ponuda ponuđača Uniqa Osiguranje dd Sarajevo broj: 20260513-0016-000045 od 13.05.2026. godine, sa ponuđenom ukupnom cijenom od 116.787,36 KM.

Komisija je konstatovala da su ponude ponuđača Sarajevo osiguranje d.d. Sarajevo broj: 01-2711/26 od 07.05.2026. godine sa ponuđenom ukupnom cijenom od 116.250,24 KM i ponuđača ASA Central osiguranje d.d. Sarajevo broj: 022755/26 od 08.05.2026. godine, sa ponuđenom ukupnom cijenom od 115.452,48 KM, formalno-pravno ispravne i ispunjavaju uslove tražene tenderskom dokumentacijom, te su kao takve za ugovorni organ prihvatljive. Ponuda ponuđača Uniqa Osiguranje dd Sarajevo, broj: 20260513-0016-000045 od 13.05.2026. godine, sa ponuđenom ukupnom cijenom od 116.787,36 KM nije prihvatljiva za ugovorni organ obzirom da ista nije dostavljena u skladu sa Tenderskom dokumentacijom. Naime, od strane navedenog ponuđača dostavljena je originalna garancija za ozbiljnost ponude Raiffeisen bank dd Sarajevo broj: 33090525/26/IH od 13.05.2026. godine, ali ista nije dostavljena na način propisan tačkom 28. Tenderske dokumentacije tj. ista je dostavljena u prozirnoj foliji, koja je čvrsto uvezana sa ostalom dokumentacijom ponude, a koja folija nije na vrhu zatvorena naljepnicom na koju je stavljen pečat ponuđača niti je pak otvor na foliji zatvoren jamstvenikom, a na mjestu vezivanja zaljepljena naljepnica i otisnut pečat ponuđača, a što omogućava fizičko vađenje garancije za ozbiljnost ponude iz folije u kojoj se nalazi, te slijedom toga Komisija iz daljnje procedure isključuje ponuđača „Uniqa osiguranje“ dd Sarajevo. Tačkom 28. Tenderske dokumentacije jasno je određeno da ukoliko garancija za ozbiljnost ponude nije dostavljena na propisan način ugovorni organ je obavezan takvu ponudu odbaciti.

Obzirom da je za navedenu nabavku predviđeno provođenje e-Aukcije, Komisija se u odnosu na prihvatljive ponude pismeno obratila Sektoru za finansije i javne nabavke, Federalne uprave policije radi provođenja iste.

Dana 25.05.2026. godine, Komisija je zaprimila akt od Sektora za finansije i javne nabavke broj: 19/2-11-2-1731/26 od 25.05.2026. godine, sa izvještajem o toku i završetku e-Aukcije. U istom je navedeno da je najpovoljniji ponuđač „ASA Central osiguranje“ d.d. Sarajevo, sa ponuđenom ukupnom cijenom od 115.452,48 KM bez PDV-a.

Rukovodeći se kriterijem najniža cijena i ispunjavanje svih traženih uslova (u skladu sa članom 21. tenderske dokumentacije), Komisija u skladu sa članom 70., ZJN BiH predlaže da se za Javnu nabavku usluga kolektivnog osiguranja donese Odluka o izboru najpovoljnijeg ponuđača i ugovor dodijeli ponuđaču ASA Central osiguranje“ d.d. Sarajevo prema ponudi broj: broj: 022755/26 od 08.05.2026. godine sa ukupnom cijenom od 115.452,48 KM bez PDV-a.

Rukovodeći se kriterijem najniža cijena i ispunjavanje svih traženih uslova (u skladu sa članom 21. tenderske dokumentacije), Komisija je predložila da se u skladu sa članom 70., ZJN za Javnu nabavku Usluga kolektivnog osiguranja, donese Odluka o izboru najpovoljnijeg ponuđača i ugovor dodijeli ponuđaču ASA Central osiguranje“ d.d. Sarajevo prema ponudi broj: broj: 022755/26 od 08.05.2026. godine sa ukupnom cijenom od 115.452,48 KM bez PDV-a, što je konstatovano u Zapisniku o pregledu i ocjeni ponuda od 03.06.2026. godine.

Razmatrajući prijedlog Komisije, direktor Federalne uprave policije donosi Odluku kao u dispozitivu.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.

**DIREKTOR**
GLAVNI GENERALNI INSPEKTOR POLICIJE

Igor Marić


Dostaviti:

- Sektor za finansije i javne nabavke
- ponuđačima
- u spis